

D'r Nagglmaier.

D'r Pälzer Bott hott sich widder emool Guts am Heidelberger Volksblättche gebhan. Anlässlich d'r Schimme-G'schicht, die meiner Fraa zehn Dag Zulag eingebrage, redd'r vumme „Witzblatt ordinärer Gattung“. Ei, ei! D'r Pälzer Bott als moralischer Sitterichter, Männer. Weiter breicht ich eigendlich gar nix druff zu sage, um'n Heemzuschide. Awer es macht mer Schbaf, unferm Schwarzkittlche hie un do die Wobhrheit zu sage. D'r Pälzer Bott un Anstand, Männer! Gibts e ordinärer bollittisch Schwarzblättl als d'r Pälzer Bott! Schtrogt nix jedi Nummer vun extra ordinäre Angriff uff bollittische Verleentlichte, deune d'r Pälzer Bott noch nit die Schuch wische derf. Wie oft is'r nit Schunn vor de Scheffe g'schtanne un ganz geheerig verthorrt worre, wege personliche ordinäre Anfechtunge. Ziehg't'r nit alle Dag Kaiser un Reich un alles, was nit zur jesuittische ultramontane Sipp'schaft g'heert in de Gassebred. Dann erinner ich norr an den Artikel, denn'r feiner Zeit gege de Geheimerath Bluntzschli losgelöst, un der'm e geheerigi Portion hinner Schloß un Niggel eingebrage. Kann ma en allgemein geachtete wissenschaftliche gebildete Mann ordinärer un gemeiner angreife, wie's d'r Pälzer Bott gebhan hott! Un hott'r des nit mit vollem Wisse, gege wenn'r schreibt, gebhan. Nit ganz vorsächlich! Kann ma ordinärer sein! Dagrge mein Fraa! Was hott se gebhan? Sie hott e G'schicht zum Beschte gewe, die nit vun ihr erfunde, sondern hier do un dort verzählt worre is. Daß hinner dem Schimme en alter 72jährige Handelsmann, en Familienvater mit Fraa un Kinner s'chtect, dem se schaade kann, wann se die G'schicht noch verzählt, is'r nit im Draam eing'falle. Sie hott die ganz G'schicht for'n Jur g'halte, den e paar Schbafveggel uff'n fideele Werthshausbruder mit'm Naame „Schimme“ ausgebreit, der sich vielleicht gar nix draus macht. Wie unschuldig s'chtect also mein Fraa gege de Pälzer Bott do, der immer weef, mit wem'r's zu dhun hott. Ordinar Witzblatt! Liever Pälzer! Wer unnerm ordinäre Gasdach wie du wohnt, der schmeiß doch so nit mit ordinäre Redartissl uff anner Leit Dächer! — Awer vun was G'scheiderm zu redde, Männer. Die Woch war ich uff Mannemer Maimark. Die Mannemer Werth dirste iver de Maimark zufriede gewest sein. Es is widder was zammegeleppert



worre. Do en Schoppe, dort en Schoppe! Es derf eener mit de beschte Grundfag am Maimarkdienstdag iver die Gass gehn, er kummt in e Gewerr un bringt en „Fremde“ mit heem. — Ja, d'r indressantschte Mannemer Kerwedag is unschtreitig d'r dritte, d'r Maimarkdienstdag! Wer zählt die hibsche pälzer Daame, die am Dienstdag widder in Mannem ware. Mit de Chinesebedecker! Wann uns der Schlag Meedle Anno 70 vun de Franzose annerirt worre wär! Ich gäbt for's ganze iverige deitsche Reich se drei Woge mehr! — Un en gemietlicher Dag bleibt der Maimarkdienstdag so nass'r aach gewöhnlich ausfallt. Wie vertraulich geht d'r Mensch an dem Dag vorm Heidelberger Dhor mit'm lieve Hornvieh um. So haw ich ver Grempl e atg „angeraacht“ Veierle mit seim eingehandlte Schsele uff d'r Schoffee heemdrolle sehe. Ach, so briederlich! Ich hab ball nit mehr unnerseide kenne, siehrt d'r Bauer de Dhs, odder siehrt d'r Dhs de Bauer am Vendl heem. Zwee Seele un en Gedanke! Zwee Herze un een Schlag! Es war riehrnd! — Um die Brämierung d'r scheenschte Hornviehcher haw ich mich des Johr nit viel bekimmert. Es werd zugange sein, wie alle Johr. 's scheenschte, greschte Schtickl Vieh werd ewe ausgezeichnet! Un so was löst sich e Vieh immer gern g'falle.

Un is des Rindvieh noch so dumm,
Es henkt gern die Medallie um!
Das ist's ja, was das Rindvieh ziehrt —
Drum wird so manches dekort!

D'r Glanzpunkt vum Mannemer Maimark war for mich wenigstens en Viehhandl, dem ich schtillbergniegt uff d'r Wiff zug'heert hab. Um e alti Kuh hott sich's g'handlt. — Was willst de for die alti Kuh? froogt d'r eene blooe Kittl de anner. — Wie heift? Alt Kuh? segt d'r beleidigte Handelsmann. Soll sein dein Fraa nit älter, kennt se s'chteh noch als d'r scheene Galadee im Schweginger Schloßgarie. — Mach ka Schtuf, segt d'r anner widder. Was willst de for d'r Kuh? — Zehn Kallin! segt d'r Handelsmann. — Zehn Kallin? faugt d'r anner an. Bist de nit kloor im Kopp? Kriegst de vun mer acht Kallin. Sei en Mann. Mach e Geschäft! — Hais't e Geschäft? kreischt d'r Handelsman. Will ich sehe nit mehr gesund Fraa un Kinner, wann de trittst d'r Kuh en Grosche unner d'r zehn Kallin. Gibst de mer nein un e halb Kallin un d'r Kuh is dein! — Nein Kallin, un ka Wort — biet jekt d'r anner. — Sollst se hawe ser nein Kallin un e Tass Kaffee, segt d'r Handelsmann. Bitsch, batsch — abgemacht. — No, un sein Fraa un Kinner, die'r nit mehr g'sund sehe will, wann'r die Kuh en Grosche unner d'r zehn Kallin loschlägt? froog ich'n. — Schoode, segt'r. Haw ich gehatt mein Lebhdag ka Fraa un Kinner! — Korzer Mannemer Maimarkbericht: Ich hab aus Allem g'sehe, daß die frehlich Palz noch immer frehlich is, un schließ mit folgendem Versl:

D frehlich Palz, mir lieb un dheier,
Dich bringt se Krieg un un se Shteter!
Du bist die alt, die lustig Palz,
Un b'haltscht dein gute Zug am Hals!

Druck und Verlag von G. Weisendörfer.